

Cov Kev Hloov Pauv Tshiab Txog Ntawm Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP)



Koj tsuas muaj OHP Dental nkaus xwb puas yog?

Pib lub Ib Hlis Ntuj 1, 2023, OHP yuav muab cov txiaj ntsig uas siv rau kev kho hniav nkaus xwb (“OHP Dental”) rau qee cov tswv cuab. Yog hais tias phab thib 3 ntawm koj tsab ntawv qhia txog kev pab them nqi duav (roos) los ntawm OHP phiaj yeeg rau pom txog “OHP Dental” los ntawm koj lub npe:

- Cov txiaj ntsig siv rau kev kho hniav zoo tib yam nkaus li qhov OHP txhua yam (“OHP Plus”) uas siv rau cov neeg laus.
- Cov txiaj ntsig siv rau kev kho hniav ntawm OHP muaj xam nrog rau cov kev tu ntxuav hniav kom huv si, cov kev kuaj ntsig txog kev kho hniav thiab cov kev xoo hluav taws xob ev xas les (x-rays), cov kev ntsaws hniav, kev rho hniav, kev saib xyuas kho hniav rau thaum muaj xwm txheej kub ntxhov ceev, thiab qee cov lo hniav cuav.
- “OHP Dental” tsis pab them nqi duav (roos) rau kev saib xyuas kho mob rau fab kev noj qab haus huv ntsig txog lub cev los sis kev puas siab puas ntsws.

Kawm paub ntau ntxiv txog cov txiaj ntsig siv rau kev kho hniav ntawm OHP nyob rau ntawm **OHP.Oregon.gov** (nias rau “OHP Benefits (Cov Txiaj Ntsig Ntawm OHP)”).

Leej twg pab them nqi duav (roos) rau kev saib xyuas kho mob ntawm qhov OHP Dental?

Koj yuav tau txais ib pob ntawv zoo siab txais tos los ntawm koj lub koom haum muab kev saib xyuas kho mob uas sib pab dhia txoj hauj lwm (coordinated care organization, CCO). Nws yuav muaj koj daim npav ID ua tus tswv cuab ntawm CCO thiab cov lus qhia paub txog cov kev pab cuam uas tau txais kev pab them nqi duav (roos).

- Lub npe ntawm CCO yuav nyob rau ntawm phab thib 4 ntawm koj tsab ntawv qhia txog kev pab them nqi duav (roos). Nws yuav phiaj yeeg rau pom txog “CCOF” ua ntej yuav pom lub npe ntawm CCO.

Koj muaj peev xwm tau txais tsab ntawv no sau ua lwm hom lus, ntawv luam tawm uas pom tus niam ntawv loj, los sis lwm txoj hau kev uas zoo tshaj plaws rau koj. Hu rau 800-699-9075 (tus nab npawb xov tooj rau kev sib txuas lus ntawm cov neeg lag ntseg (teletype, TTY) 711).

- Koj muaj peev xwm hu rau koj lub CCO yog hais tias koj muaj cov lus nug hais txog kev tshawb nrhiav ib tus kws kho hniav los sis kev tau txais kev saib xyuas kho hniav.

Moda Health yuav pab them nqi duav (roos) rau cov tshuaj uas tej zaum koj tus kws kho hniav yuav sau ntawv qhia yuav tshuaj rau koj ntawd, xws li tshuaj zoo ua paug los sis cov tshuaj zoo mob. Koj yuav tau txais ib daim npav ID Moda Health nyob rau ob txog rau peb lim piam.

Moda Health yuav **tsis** pab them nqi duav (roos) rau:

- Cov tshuaj uas rov mus nqa ntxiv los sis cov ntawv sau qhia yuav tshuaj rau ntau tshaj ib zaug nyob rau ncuas siv tau 30 hnuv.
- Cov ntawv sau qhia yuav tshuaj rau tshuaj txhuam hniav hom fluoride los sis tshuaj yang qhov ncauj.

Thaum koj mus nqa cov ntawv sau qhia yuav tshuaj los ntawm koj tus kws kho hniav:

- Muab daim npav ID Moda rau tus kws muab tshuaj ntawd saib.
- Tsis tas li ntawd muab txhua cov npav lwm yam uas koj muaj rau nws saib txhawm rau kom thiaj li tau txaus kev pab them nqi duav (roos) rau los ntawm qhov phiaj xwm kev npaj tuav pov hwm rau fab kev kho mob tib si. Yog hais tias koj muaj ib qho phiaj xwm kev npaj tuav pov hwm rau fab kev kho mob, uas qhov phiaj xwm kev npaj tuav pov hwm ntawd pab them koj cov ntawv sau qhia yuav tshuaj rau koj.

Yog hais tias koj Neeg Khab Mes Kas los sis Neeg Alaska Xeeb Txawm thiab tsis muaj CCO:

Koj muaj peev xwm thov tso npe nkag rau hauv ib qho CCO rau kom tau txais koj cov txiaj ntsig los ntawm OHP Dental. Hu rau OHP Client Services ntawm 800-273-0557.

Cov txiaj ntsig ntawm OHP Plus uas siv rau cov me nyuam yaus thiab cov neeg hluas txog ntua rau cov muaj hnuv nyooq txog 21 xyoos

OHP pab them nqi duav (roos) rau tag nrho cov kev pab cuam uas xav tau rau cov me nyuam yaus thiab cov neeg hluas txoj kev noj qab haus huv thiab kev loj hlob. Cov kev pab cuam no hu ua cov txiaj ntsig ntawm Txoj Kev Kuaj Ntsuas Mob, Kev Txheeb Kuaj Tshawb Mob thiab Kev Kho Mob Thaum Ntxov thiab Raws Ncuas Sij Hawm (Early and Periodic Screening, Diagnosis and Treatment, EPSDT).

Rau cov me nyuam yaus thiab cov me nyuam yaus uas muaj hnuv nyooq qis dua 21 xyoos uas muaj OHP txhua yam (“OHP Plus”):

- OHP pab them nqi duav (roos) rau txhua cov kev pab cuam uas xav tau txhawm rau los mus tshawb nrhiav los sis kho kev mob Khaub Thuas, kev raug mob, los sis lwm cov kev hloov pauv txog hauv fab kev noj qab haus huv.
- Pib Lub Ib Hlis Ntuj 1, 2023, tej zaum yuav pab them nqi duav (roos) rau cov kev pab cuam uas OHP tsis tau pab them nqi duav (roos) rau ua ntej los ntawd, uas yog saib raws tus me nyuam yaus ntawd cov kev xav tau thiab keeb kwm kev mob nkeeg yav tas los.

Kawm paub ntau ntxiv nyob rau ntawm **Oregon.gov/EPSTD**.

[OHP.Oregon.gov](https://Oregon.gov)